

أمنياتي ..!!

طول عمري وانا بتمني
لمسة من إيديكي
نظرة من عنينيكي
كنت تمللي بقول لنفسي
انت فين وهي فين
انت حطة بيع أونطة
انت عامل وشيال لشنطة
انت أخرك تبقي حارس
أو تبيع لب عالمحطة
لكن هي هي الأميرة
هي السفيرة
هي أحلي حاجة حلوة
هي لحن ..هي غنوه
هي وسط الكون دا كله
زهرة طالعة فوق أعلي ربوه
الفراشة واليمامه

بتاع كلام



والغزالة والحمامه
يبقوا إنتي
يا أميرتي
نفسى أقرب بس منك
عايز أسمع نبض قلبك
نفسى أبص في عيونك
أنا مش طايق البعد عنك
نفسى أشم ريحة عطرك
عايز بس أبقي جمبك
عايز أحس إني عايش
لما أسمع بس نبضك
الحياة.. بدونك سراب
والنعمة قلبي في هواكي داب
دوقيني من شهد حبك
إرحميني من العذاب
إنقذيني... حاموت غريق
في هواكي
عرفيني... فين الطريق
أكون معاكي



بتاع كلام



دوبيني جوة قلبك
ويا حبك دوبيني
يا حبيبتي
إرحميني
أو حبيبي
أو سييين... ويا الجراح
خليني أرتاااح..

